

乾隆杭州府志

杭州府志卷五十四

物產二

花果之屬

梅花 孤山梅花雖以和靖得名然白樂天有憶杭州梅花詩云伍相廟前繁似雪孤山園裡麗如粧則自唐時已

賞鑒矣

芸林詩話

西湖之梅邇來頗不甚多惟九里松抵天竺

一路幾萬株俗稱梅園他處雖繁皆莫踰此

萬歷舊志

西溪多

古梅二月始華香雪霏霏四面襲人

名勝志

包家墅種梅約

一里許樹皆數百年物古幹可愛其實亦佳

宣德富陽縣志

林逋梅花詩吟懷長恨負芳時爲見梅花輒入詩雪後園林纔半樹水邊籬落忽橫枝人憐紅艷多應俗天與清香

似有私堪笑卷籬亦風  
味解將聲調角中吹

早梅 早梅于冬至前已開錢塘湖上有一種開尤早余

嘗重陽日親折之

石湖梅譜

紅梅 郡有紅梅闕土人所種有福州紅潭州紅柔枝干

葉邵武紅等種

咸淳志

蘇軾謝關景仁送紅梅栽詩年年芳信負紅梅江畔垂垂  
又欲開珍重多情關令尹直和根撥送春來爲君栽向南  
堂下記取他年著子時酸醜不堪調衆口使君風味好攢眉

蠟梅 以檀心磬口爲佳東坡詩有蜜蜂採花作黃蠟之

句又詩云不見萬松嶺上黃千葉玉蕊檀心兩奇絕

夢梁錄

桃花 包家山南冷水峪多桃花名桃花關

西湖百北山咏引

路關王廟舊滿路種桃號半道紅

武林舊事

阜亭山前後桃花

最盛延播十餘里春二三月遊人絡繹不絕

仁和縣志

黃順之觀冷水峪桃花詩石家步障久成塵移作包山一段春凋張日斜原上路年年紅雨打行人曹溶阜亭看桃花詩軍城行樂久蹉跎選日郊邱試踏歌千頃花源帆際轉一生寒食醉中過盛開翻易幸零落多種懸知敵綺羅近報縉雲驍將在放牛消息定如何

杏花

錢塘莫景行築別業靈竺之間繞栽杏樹號曰杏

園

凌柘軒集

清波門街南翁家巷有大杏一株高五六丈花時

半里外猶見紅色落英過鄰墻厚至數寸

清波類志

杏花城內

外多有而阜亭一帶與桃李雜植尤稱艷麗

仁和縣志

李花

李莫盛于西山滿覺隴花時一望如雪

萬歷舊志

從十

八澗出徐村一路李花甚盛

快雪堂集

二三月長沙李花彌望

中沙小沙桃花交錯文人遊賞成羣頗同省會風

富陽縣志

牡丹 唐時杭州無此種長慶中開元寺僧惠澄自都下

分得一本謂之洛花至宋漸多

冷齋夜話

白樂天爲杭州刺史

令訪牡丹獨開元寺僧于京師得之始植于庭春景方饒

僧設油幕覆其上會徐凝自富春來先題一詩白尋到寺

命徐同醉而歸

雲溪友議

熙寧五年三月二十三日從太守沈

公觀花于吉祥寺圃中花千本其品以百數金紫綠籃以

獻于座者五十三人自輿臺皂隸皆插花以歸觀者數萬

人

東坡文集

昌化富陽產者頗大杭州有一種冬月開者東坡

有和述古詩

咸淳志

錢塘東明山寺牡丹高出簷阿

錢塘縣志

羅隱虛白堂牡丹相傳白太傅手植詩欲詢往事奈無言  
六十年來此託根香煖幾飄袁虎扇格高常對孔融尊曾  
憂世淺陰難合且喜春殘色尚存莫背闌干便相笑與君  
俱受主人恩蘇軾吉祥寺賞牡丹詩人老簪花不自羞  
花應羞上老人頭醉歸扶路  
人應笑十里珠簾半上鈎

紫薇

州治虛白堂前有紫薇花兩株相傳白樂天所植

羣芳

蘇軾次韻錢穆父紫薇花詩虛白堂前合抱花秋風  
落日照橫斜閑人此地知多少物化無涯生有涯

海棠

錢塘縣舊有吳越羅隱植海棠一本

太平清話

昌化千

頂山海棠瑞香徧生山麓

咸淳志

龍井壽聖寺有海棠一株

蓋東坡手植

二老堂雜志

徑山興聖萬壽寺之廣福菴舊有海

棠樹洪武三年結實大如木瓜五色有香

張光顯集

王禹偁錢唐縣羅江東手植海棠詩江東遺蹟在錢塘  
手植庭花滿縣香若使當年居顯位海棠今日是甘棠

山茶 杭州土貢山茶

祥符志

東西馬塍栽接山茶色品頗

盛有一本十色者

夢梁錄

石榴花 唐時靈隱多海石榴樂天詩宿因月桂落醉爲

海榴開

咸淳志

按樂天有題孤山寺山石榴花詩乃杜鵑之屬與此不  
同咸淳志并收于榴花下者非

桂 卽今山桂天竺最多生子如蓮寔離離下垂天竺僧

稱爲月桂其花時香常不絕枝頭葉底依稀數點亦異種

也羣芳譜南山滿覺隴地宜桂秋時花發如入衆香國焉錢塘

志縣西溪桂樹大者兩人抱之不盡樹下花覆地如黃金山

中人縛帚掃花售市上每石當脫粟之半名山勝槩

蘇軾天竺山送桂花分贈元素詩月闕霜濃紅蕊乾此花原屬桂堂仙鷲峯子落驚前夜蟾窟枝空記昔年破菰山僧憐耿介練裙溪水闊清妍願公採擷綉縠佩莫遺孤芳老澗邊張九成憶天竺桂詩湖上北山天竺寺滿山桂子月中秋黃英六出非凡種肯許天香過別州

桂子 杭州靈隱山中秋夜往往桂子墜寺僧曾拾得南

新書月桂子大于狸豆破之辛香古老相傳是月中下也餘

杭靈隱寺種得一株近詩人多所論述洞冥記云有遠飛雞朝往夕還常啣桂實歸于南土南土月路也故北方無



之本

拾遺

僧蓮式種桂詩序天聖丁卯中秋寺堂左右天降靈寶其繁如雨其大如豆其圓如珠白者黃者黑文者時有帶殼者識者曰此月中桂子也舊傳月墜桂子惟天竺素有之唐天寶中寺前一子成樹今月桂峯在焉子居是山十二載始此一見因取之播種林下浹旬而甲坼彌月而盈寸明年春移古回軒亭環亭而植凡二十五株仍改亭爲月桂亭作詩二章刻石于亭之側皮曰休天竺寺八月十五夜桂子詩玉顆嫋嫋下月輪殿前拾得露華新至今不會天中事應是嫦娥擲與人

紫陽花

招賢寺有山花一樹無人知名色紫氣香芳麗

可愛頗類仙物因以紫陽花名之

長慶集

白居易紫陽花詩何年植向仙壇上早晚移栽到梵家雖在人間人不識與君名作紫陽花

小瓊花

臨安縣齋山花一株四月盛開無識之者效樂

天招賢寺花體以小瓊花賦之

芸隱物  
游稿

施樞賦小瓊花詩合是孤根在廣庭世間那得  
此雲英霓裳一曲天香散惆悵瑤階月白明

娑羅花

昌化千頃山生娑羅花初夏開時其香遠聞名

志

帥鐵娑羅花詩名山芳樹側巖花羸得清香十里賒初夏  
已傳新發鬱千秋猶記古槎枒兒孫草木懸峰頂聲氣雲  
烟到石窪奇語深幽巢  
隱者掉頭深處翠無涯

辛夷花

唐時靈隱寺有此花鮮紅可愛

萬歷靈  
隱寺記

白居易題靈隱寺紅辛夷花朧光上人詩紫粉筆含尖火  
餞紅胭脂染小蓮花芳情香思知多少惱得山僧悔出家

杜鵑花

錢塘門外菩提寺此花甚盛所在山亦多有之

咸淳  
志

蘇軾善提寺南漪堂杜鵑花詩南漪杜鵑天下無拔  
香殿上紅瓊輪鶴林兵火真一夢不歸闕苑歸西湖

石巖花 舊云杜鵑先敷葉後著花者謂石巖以別之然

鄉里但謂之紅腳躑

湧幢  
小品

趙抃上天竺石巖花詩對植齊開古梵宮欲求精筆畫難  
工直將春占三旬盛誰謂花無十日紅未羨山桃資客笑  
且陪庭栢作宗風徧尋他處  
都無此寶殿前頭只兩叢

聚八仙 聚八仙與瓊花絕類淳熙中壽皇嘗移揚州瓊

花植于南內宦者陳源取孫枝接于聚八仙根上遂活杭

之褚家堂瓊花園是也

齊東  
野語

郁李 德壽禁籟有日半丈紅者郁李子也

玉堂  
雜記

茉莉 都人汎湖爲避暑之遊時物以茉莉爲最盛婦人

簇帶多至七插

武林舊事

瑞香 舊真覺院有此花今馬塍種最多大者名錦熏籠

咸淳

志

蘇軾次韻曹子方龍山真覺院瑞香花詩幽香結淺紫來  
白孤雲岑骨香不自知色淺意殊深移栽青蓮宇遂冠蒼  
菊林初爲楚臣佩散落天女襟君持風霜節耳聆歌嘆音  
一逢蘭蕙質稍回鉄石心置酒要妍暖養花須晏陰及此  
陰晴間恐致慳膏霖彩雲知易散  
鵝憂先吟明朝便陳迹試着丹青臨

海紅花 杭人言紛紜不靖曰海紅花蓋海紅乃山茶之

小者開時最繁鬧故借言之

西湖遊覽志餘

木芙蓉 東坡倅杭日有和陳述古中和堂木芙蓉詩今

蘇堤及湖岸多種秋日如霞錦

咸淳志

陳襄中和堂木芙蓉盛開戲贈子瞻詩千林寒葉正疎黃  
占得珍叢第一芳容易得開三百朵此心應不畏秋霜

凌霄 錢塘僧清順所居藏春塢門前二古松各有凌霄

花絡其上蘇子瞻過之爲作木蘭花詞今百餘年其花猶

茂成化舊志

餘醺 自阜亭山以北岸多野餘醺香氣酷烈熏人欲醉

鐵網過靈鷲寺訪僧留午粥甚香詢之乃餘醺花也山家清供

鮮于樞高亭道中詩野餘醺發氣熏然睡起時  
鶯雪滿船安得鴟夷三百乘空令饑客口流涎

薔薇 於潛縣金樓山松竹間多有薔薇萬歷舊志

范成大餘杭道中詩春晚山花各靜芳從教紅  
紫送韶光忍冬情馥薔薇醞薰得千村萬落香

玫瑰 南宋宮院多採之雜脂麝以爲香囊芬氣裊裊不

絕故又名徘徊花

西湖游覽志餘

徘徊花貴家以花片製作餅餌

供送

夢梁錄

蘭 新城縣惟黑山有蘭花其山臘月中山花盡開

武林志

杭州蘭蕙莖葉柔細生幽谷竹林中惟春時取置盆盎間

供一時清玩宿根移植膩土多不活卽活亦不多開花

西湖

遊覽志餘

甌蘭

甌蘭花惟杭城有之花如建蘭香甚一枝一花有

紫花黃心有白花黃心者紫若胭脂白若羊肪甚可愛出

法華山採其原墩種背陰處可活開花紫白二色者名珠

鼓蘭稍澗

草花譜

南山水樂洞底暖氣溫畜冬日鬻花人每

持蘭往乘之越宿卽花放

湖山便覽

荷 白公郡齋詩繞郭荷花三十里指西湖而言也

咸淳志

花有紅白二種白者香而結藕紅者艷而結蓮瞿宗吉詩  
紅蓮不及白蓮香是也宋時聚景園中有繡蓮紅瓣而黃

緣結實如飴

西湖游覽志餘

揚萬里泛舟賞荷詩小泛西湖六月船中即水中仙  
外鋪雲錦千弓地中度琉璃百折天城中擔上買蓮房未  
抵西湖泛野航手折荷花  
刺蓮子露爲風味月爲香

菊 臨安西馬塍園子每至重陽鬪花不暇悉數其名余

于禁中大園子處得鞠品近六十種如滿堂金壽安真珠

孩兒白等多與外異菊花色極多臨安花市菊花時製爲

花塔

全芳備祖

楊萬里經和寧門外賣花市見菊詩老眼瞥觀一束警客舍  
賣李菊一株看來曾去看不厭花意索真却似無清曉  
肩輿過花市陶家全國松在此千株萬株都不看一枝兩  
枝誰復貴平地拔起金浮屠瑞光千尺照碧虛乃是結成  
菊花塔蜜蜂作僧僧作蝶菊花障子更玲瓏生採菊翠鑷  
屏風金鋪裝面密如積金細滿地無人拾先生一見雙眼  
開故山三徑何獨懷君不見內前  
四時有花賣和寧門外花如海

芍藥

艮山門外范浦鎮多植芍藥冠于諸邑有早緋玉

白緞露又有千葉白者土人尤貴之

咸淳志

於潛縣鶴山多

芍藥

萬歷舊志

水仙

海寧縣錢山產水仙

名勝志

鸞粟

張約齋賞心樂事四月鷓鴣渚亭觀五色鸞粟花

武林



舊事

石竹 花有五色杭人多植之盆盎間

西湖游覽志餘

林逋山舍石竹二叢闐然秀發成詩麝香眠後露檀勻繡在羅衣色未真斜倚細叢如有恨冷搖疎朵欲生春階前紅藥推詞客籬下黃花重古人今日含毫與題品可憐殊愧不清新

山礬 生杭之西山三月着花細小而繁香馥甚遠俗名

七里香

遵生八牋

鳳仙 宋光宗李后小字鳳娘宮中避諱呼爲女兒花

花史

雞冠 黃葵 張約齋賞心樂事八月杏花莊看雞冠黃

葵

武林舊事

秋牡丹 昌化山中有草花紅媚可人葉如牡丹而小土

人名秋海棠吾地所有秋海棠非此種也今因改名秋杜

丹以配之

李白華禮  
白嶽記

指甲花 生抗諸山中花甚小蜜色而香用山土移歸盆

中亦可供觀

草花譜

金蓮

韜光菴池有金蓮圓葉小花浮生水面

名花譜

金蓮

花生寺放生池中移植他所則槁

徑山志

金銀蓮湖中甚多

園中盆泥蓄水種之但取二色重臺者可愛

草花譜

紅蓼

生湖濱俗呼水紅

靈隱寺志

林逋池上作簇簇菰蒲映蓼花水痕天影蘸  
秋霞分明似箇屏風上飛起鸕鶿一遺斜

堂花 馬廐莢花如莢粟非時之品真足以侔造化通仙

靈凡花早放者名曰堂花或作唐花其法以紙糊密室鑿地作坎纒竹置花其上糞土以牛溲硫黃盡培溉之法然後寬沸湯于坎中少候熱氣薰蒸則扇之以微風盎然春融之氣經宿則花放矣若牡丹梅桃之類無不然獨桂花則反是蓋桂必涼而後放法當置之石洞巖竇間暑氣不到處鼓以涼風養以清氣竟日乃開此雖擢而助長然必

適其寒溫之性而後能臻其妙耳

齊東野語

許素馬厓種花翁詩東厓白髮翁勤撲種花戶盆賣有根花價重無人顧西厓年少即荒嬉度朝暮盆賣無根花價廉爭取去年少傳語翁同業勿相妬賣假不賣真何獨是花樹

楊梅 杭州土貢楊梅

祥符志

楊梅錢塘富陽出者佳

大清

一統志

南山瑞峰塢內有老嫗姓金其家楊梅甚盛所謂金

婆楊梅是也

天中記

楊梅塢有紅白二種楊梅杭人呼白者

爲聖僧梅

東坡詩集自注

楊梅諸山多有之而烟霞塢東墓嶺十

八澗阜亭山者肉鬆核小味尤甜美宋時梵天寺有月廊

數百間庭前多楊梅盧橘

西湖游覽志餘

出縣之閑林其子大如

彈味甜酸可以作煎

嘉靖餘杭縣志

董剛呆楊梅塢詩仙子遺丹滿瑞峰纍纍疑與荔枝同金  
婆傳種移根異火齊燒空滿塢紅鶴頂分丸疑曉露猩唇  
結顆綴薰風叢時若解包茅貢一騎先馳入漢宮 李流  
芳山中喜山僧摘楊梅至詩一望山坳紅紫堆阜亭五月  
熟楊梅家家火齊垂千纈日日冰杆薦百枚尚擬趁晴看  
飽去却憐和雨摘將來莫論風味如西嶺齒軟還須嚼幾  
回

木少月示 卷五十四  
枇杷 出於潛黃嶺前烏巾山小錫塘塢者尤珍白色者

上黃次之高宗嘗密遣訪採倍直酬之又嘉會門外真覺

寺舊有蘇東坡同劉景文往賞枇杷詩云魏花非老伴盧

橘是鄉人

咸淳志

橘 富陽王洲出橘爲江東之最今見進供

元和郡縣志

餘杭

郡貢橘子二千顆

文獻通考

橘園亭在豐樂橋北蓋向來未建

都之時此地皆種橘

行都紀事

蜜橘 仁和塘栖所產有臍無核味極甘但樹畏寒每凍

死故絕少

舊浙江通志

塘栖市蜜橘粗皮而小

曝書亭集

沈謙樓水竹枝詞水南水北起霜風蜜橘村村映火紅選得金錢親翦贈連枝一對正當中自注云一種號金錢者

最佳

棗 棗出鹽官者最著名然不甚大

咸淳志

鹽官棗紫色味

佳

打棗譜

縣舊有棗林村其棗可二寸許膚赤如血鬆脆味

甘今訛爲羊冠棗元時村地陷入于海尚傳其種

海白外志

石榴

富陽榴實大者如碗

羣芳譜

杭州號石榴爲金櫻避

錢武肅諱而起也

天中記

林檎

土人以鄔氏園者貴謂之花紅

咸淳志

郭府園林檎

未熟時以紙剪花貼其上熟則如花木瓜嘗進奉其味蜜

甜

夢梁錄

櫻桃

臨安有兩櫻桃園七寶山并薦橋門外是也

行都紀事

白居易樟亭雙櫻樹詩南館西軒兩樹櫻春條長  
足夏成陰素華朱寔今難盡碧葉風來別有情

梅子 杭州四時果子有青梅黃梅夢梁錄西溪綠萼梅結

實尤佳他處莫及錢塘縣志

桃子 於潛鶴山出桃味極甘美錢塘翻經臺側有靈桃

生石面結實甚大政和間歸京師咸淳志早桃俗名五月桃

最大餘若白桃油桃匾桃並甘美又有十月熟者名寒桃

仁和臯亭山特盛舊志

李子 出省城鐵冶嶺孔氏園者最佳核小而肉鬆甜萬歷志

舊志

栗 於潛縣良梅馬頭金樓諸山皆產栗萬歷志靈隱有西

栗樹慧理自西竺携來種此實小而味美惟靈隱致十本

移他處則不生大樹堂一株猶理公手植西晉時物也至

今鬱茂

神州古史攷

重九後行都有炒栗梧桐子吟叫於市

武林

舊事

柿 有方頂綠心牛奶火珠數種多出錢塘瓶窰

成化舊志

柑 柑子園在後市街

武林舊事

杭有賣果者善藏柑涉寒暑

不潰玉質而金色

劉誠意文集

白果

卽銀杏

俗名佛指甲臨安縣出

大清一統志

出臨安者

視他產特長而細故名佛指甲

萬歷舊志

報國寺有銀杏其實

無心

成化舊志



木瓜 杭州餘杭郡土貢木瓜

唐書地理志

青色而小土人切

作片暴乾入藥都城以糖煎名燒木瓜

咸淳志

楊桃

一種山棗名楊桃出昌化縣

浙江通志

榧

山縣多產富陽顏塢爲佳

舊志

八都洪嶺卜都江家塘

者佳以火煨食名白珠榧

昌化縣志

榛

舊土無此近天目山間有臨安種之亦稍盛矣

萬曆舊志

藕

錢塘有西湖下湖者仁和有北新橋北護安村產扁

眼者最著名

咸淳志

昔有藕詩云七竅比干心今杭郡進斗

星藕大孔七小孔二共有九竅

山家清供

蓮房

紅花者爲上白花者次之燉尤以江干鴻雁池及

西湖所產爲最餘皆不及

萬歷舊志

荸薺

近產獨山

嘉靖仁  
和縣志

按荸薺之稱不見前記當卽爾雅所謂鳧茈後漢書劉元傳掘鳧茈而食是也

甘蔗

杭州土貢甘蔗

祥符志

仁和小林多種之以土窖藏

至春夏可經年味不變小如蘆者曰荻蔗亦甜

咸淳志

菱 蘇軾知杭州時募民種菱湖中葑不復生收其利以

備修湖

宋史本傳

初生嫩者名沙角硬者名餛飩湖中生如栗

者極鮮秋末古蕩產大紅菱尤甘脆東坡望湖樓醉書詩

云烏菱白芡不論錢

咸淳志

今北關門外產者名窰頭菱最

著名

浙江通志

芡 芡實一名雞頭最補益獨杭州多而佳

學圃雜疏

錢塘之

梁渚窳頭仁和之藕湖臨平湖所產特佳西湖者尤勝然

不多也可篩爲粉

咸淳志

芡菇 西湖中出

靈隱寺志

藥材之屬

雲母 今杭越間有之生土石間作片成層可析明滑光

白者爲上

圖經本草

石膏 石膏出錢塘縣皆在平地中雨後時時自出取之

如碁子白澈最佳

名醫別錄

錢塘記云石膏山出石膏若雪又

縣內亥地有嶽嶽左右亦有石膏雨霽時出藥用爲最

太平

裴字

記

寒水石 軟者寒水石硬者石膏生南高峰塔山下

咸淳志

錢塘人鑿山取膏搗作齒藥貨用浙人呼爲寒水石入藥

勝他處者

本草別說

石鐘乳 靈隱山石穴昔有人採鍾乳

錢塘記

茯苓 茯苓生大松之根近有擇其小者以大松根披破

而繫于中繫束之使脂液滲入于內然後擇地之沃者坎

而瘞之三年乃取則成大苓矣洞霄山最宜茯苓往往民

多盜種密識之而去數年後取焉

癸辛雜志

黃精

餘杭於潛兩縣出

大清一統志

黃精爲潛藥上品出

天目山

於潛縣志

白朮

今白朮生杭越以大塊紫花爲勝

圖經本草

產於潛者

最佳諸方並珍之

萬歷舊志

潛山產善朮以其盤結醜怪有獸

之形因號師子朮

清異錄

欽朮俗名狗頭朮雖瘦小而得土

氣甚充昌化出者同于欽朮境相隣也

本草蒙筌

厲鷲於潛王明府寄白朮詩市中何處覓靈蹤滿把雲腴

手自封藥重一丸思魏帝後誇五葉謝神農塵區有藉能

獨疾福地于今可鍊容爲向小

鴟抄序罷幾時飛鳥得相從

貫衆

生龍井口

咸淳志

薺芫

今袁花諸山所出呼爲土參

海寧縣志

元參 出仁和笕橋者佳

舊志

黃連 開元時杭州貢黃連

元和郡縣志

別錄云黃連生巫陽

今秦地及杭州者佳

韓保昇本草重註

獨活 產臨安

萬歷舊志

苦參 生於潛

咸淳志

貝母 產新城

萬歷舊志

橐本 杭州有之葉似白芷其香又似芎藭

圖經本草

細辛 產昌化

萬歷舊志

蛇床子 生仁和白石

咸淳志

白芷 出仁和笕橋者勝

舊志

薄荷 浙人多以作茶飲之俗呼新羅薄荷

圖經本草

京三稜

產餘杭

萬歷舊志

香附子

生富陽

夢梁錄

香附莎草根也交州有大如聚者

本地僅如筋頭醫家取之

嘉靖餘杭縣志

澤蘭

生富陽

咸淳志

甘菊

杭城墻產甘菊香味清美及時採之勝于諸品

浙江

通志

益母草

生龍井山谷亦名草天麻

咸淳志

劉寄奴

生富陽小井

夢梁錄

地黃

杭州出乾地黃歲貢

太平寰宇記

艮山門外多種地黃

仁和浙中壤地種者受南方陽氣質光潤而力微本草

牛膝 杭州貢 大清一統志 仁和兩橋白石多種咸淳

麥門冬 古人用野生者後世多是種蒔浙中來者最良

本草 笕橋所產以肥大者爲佳舊浙江通志 仁和歲貢麥門冬

一百五十斤嘉靖仁和縣志

火麻子 旋覆子 出仁和者最多且及遠萬歷舊志

紫菀 草決明 甜葶藶 並仁和歲貢藥材嘉靖仁和縣志

牛蒡子 地膚子 並生富陽夢梁錄

車前子 成化時於潛土貢車前子二十斤嘉靖於潛縣志

地丁 邑產紫白二種海寧縣志



大戟

本地所產色紫而柔為上品

舊志

杭州紫大戟為最

江南土大戟次之北地產者能傷人

本草綱目

千金草

生仁和繭橋

咸淳志

仁和歲貢千金草五十斤續

隨子五十斤

嘉靖仁和縣志

按千金草葉數數相續而生故開寶本草謂之續隨明

時兩貢蓋別其莖葉為千金草而續隨為其子之名也

天南星

生於潛昌化

夢梁錄

鬼曰 出錢塘近道者味甘上有叢毛最勝會稽吳興者

劣

名醫別錄

射干

產昌化

萬歷舊志

躑躅花

生錢塘富陽

咸淳志

按躑躅花俗謂之鬪羊花夢梁錄謂其根卽天門冬非是

茵芋

杭州有之葉似石榴而短厚四月開細白花五月

結實

圓經本草

五味子

杭越間有之引赤蔓高木長六七尺

圓經本草

芍藥

五味子並產臨安

萬歷舊志

鈎藤

覆盆子

並生富陽

咸淳志

百部根

生天目山

夢梁錄

木鱉子

杭州有之引藤生葉有五稜結實狀扁如鱉

圓經

草本

乾葛

富陽佳

咸淳志

天門冬

產昌化

萬歷舊志

土茯苓

俗名冷飯團近占城入貢者特市此種一時價

昂百倍

錢塘縣志

威靈仙

生富陽山

咸淳志

白藥子

山豆根

產富陽

萬歷舊志

木通

生富陽小井

咸淳志

金星草

生南高峰

夢梁錄

按城中七寶山城南鳳凰山皆有金星洞以產金星草

得名萬歷志又謂餘杭產金星草

鳳眼草

產錢塘

萬歷舊志

杜仲

臨安昌化產

舊志

烏藥

鬼箭

並生富陽

咸淳志

秦皮

臨安產

萬歷舊志

黃皮

生於潛及錢塘雷峰塔亦有之

咸淳志

山黃皮產臨

安昌化

成化舊志

桑白皮

海寧新城昌化產

萬歷舊志

山梔子

舊出馬鞍山今隨處有之

嘉靖餘杭縣志

木天蓼

生天目山者樹如梔子冬月不凋能逐風小者

爲勝

本草拾遺

枸杞子

仁和產者多

萬歷舊志

其根卽地骨皮亦多產仁和

舊志

百藥

大滌洞東山有夏侯天師種藥之圃芝畦木塢百

藥之植靡所不有今四山生草藥六十餘種

大滌洞天記

昌化

百丈山有太公潭以太伯採藥名今山多靈藥

讀方輿紀要

鳥獸之屬

鶴 林君復嘗畜兩鶴縱之則飛入雲霄盤旋久之復入

籠中君復時泛小艇游西湖諸寺客至則童子開籠縱鶴

必掉舟而歸蓋以鶴爲驗也

夢溪筆談

周容孤山補鶴詩可復江天憶故鄉仰看鴻影  
過料男此君只合孤山住萬樹梅花作稻梁

鵲 昌化大鵲頭山大鵲曾來栖止

成化舊志

雉 錢塘九里暗山海寧黃山於潛金鷲山皆多文雉

萬歷

舊志

山雞 海寧縣茗山多山雞

名勝志

按雉與鷄鶉皆有山鷄之稱杭地不產鷄鶉萬歷志載  
諸山中言山鷄甚多于仁和下其並舉雉山雞似指兩

物今因分識之

白鷓 海寧花山尖山多有

萬歷舊志

竹鷄 生苦竹岡引雛成羣呼曰泥滑滑則天降雨東坡

禽言泥滑滑苦竹岡

嘉靖餘杭縣志

提壺

和靖過下湖別墅詩多謝提壺鳥留人到落暉

咸淳

志

畫眉

錢塘法華山石和尚山於潛岸嶠山多畫眉土人

好浪遊者每于清晨籠所畜攜至山林間與羣畫眉調舌

爲戲

萬歷舊志

搗藥禽 山有二禽伏藏深樹間鳴晝夜不絕宛如搗藥

聲人無見其形者

洞霄宮志

張昱大滌山詠搗藥禽詩因會搗藥事鹵柄羽化  
千平長未齊得似杵聲相繼散月明只繞故山旁

石燕

九邑山洞中多有之

夢梁錄

於潛石燕洞中多燕糞

意其秋後所藏

咸淳志

按零陵祁陽所產石燕乃石類此石燕似蝠能飛山穴中有鍾乳者多聚食其汁本草別在禽部者卽此是也

鶯

徑山後鶯窠石每春黃鳥營巢乎卵其下

名山勝槩

鳩

有斑鳩鴝鳩二種仁和超山錢塘焦山法華山於潛

良梅山鳥皆多鳩又海寧花山贊山多火鳩

萬歷舊志

鵲

李元紘令餘杭遷任羣雀飛擁行車至百里而旋

開元

道林棲止孤山有鵲巢其側自然馴狎人目爲鵲巢和

尚傳登錄

鷺 閩方伯言浙江省門對吳山有白鷺羣飛朝去暮還



日以爲常因識一詩且將繪圖以傳

程篁墩集

鴛鴦

晉肇法師誦經西湖白蓮院鴛鴦亦能誦經

北碕集

林逋池上春日詩鴛鴦如綺杜蘅肥鴻鵠夷猶翠嶽微但據汀洲長並宿莫衝烟霧輒驚飛

鳥

靈鷲寺鳥極馴擾于人手中啄食

咸淳志

潛說友靈鷲寺鳥詩靈鳥渾覺不相猜啄食翻翻手上來自笑老無頑似石被渠認作出生臺

杜鵑

於潛金樓馬頭浮玉諸山林多

萬歷舊志

百舌

和靖詩云百種堪憐巧言語一般惟欠好毛衣

咸淳

志

鴝鵒

海寧茗山多鴝鵒

萬歷舊志

黃頭

性善閉洛塘南樂蘇橋里許所產佳或項臆間一

痕作黃金色者名金帶黃頭尤趨健

舊海寧縣志

飛生

浙中有鳥名飛生狐首肉翅四足如獸飛而生子

子即隨母後人有難產以其爪安胸腹間立驗

續博物志

鶴

海寧妙果山於潛岸嶺山鳥皆多鶴

萬歷舊志

雀

鹽官顧歡年六七歲父使田中驅雀作黃雀賦

宋書

黃時有細雀漫天而集土人以絲網罾之美于常味

餘杭縣志

鴿

杭人以放鴿爲太守壽

蘇詩自註

紹興間宮中養鴿每日

羣飛于外太學士人作詩以諷自是不復畜其詩曰萬鴿

飛翔繞帝都朝收暮放費工夫何如養取雲邊雁沙漠能

傳二帝書

古杭雜記

雞 鹽官僧爽養白雞二十餘年常立坐側聽經

東坡居士集

蘇軾白雞詩斷尾雄雞本畏烹年來聽法伴

修行還須御置蓮花濕老怯風霜恐不鳴

鷺 杭人喜食鷺日屠百鷺余自湖上夜歸過屠者之門

百鷺皆號若有所訴

仇池筆記

嘉靖中侍御張景按浙令巡官

日報屠鷺之數大約日屠一千三百有奇較之宋時又加

十倍矣

西湖游覽志餘

鴨 武林鴨蘭橋蘭與欄通張文昌詩所云水鎮應多養

鴨欄

胡柳堂遺集

昌化縣鴨或有雙頭者

嘉靖昌化縣志

馬 昔吳越王牧馬于錢塘門外東西馬墜其馬蕃息號

爲馬海今餘杭臨安於潛三邑猶有牧馬遺跡焉

夢梁錄 馬

非杭產今會城有滿漢八旗駐防以及鎮撫水陸各營皆

牧馬水草得宜故馬亦蕃庶

浙江通志

騾縣有騾生驢人以爲異

嘉靖昌化縣志

牛浙江風濤險迅人力不捷立諸堰以牛車舟而過

猗

寮雜鈔

望牛堆在餘杭南湖間農隙之時四近皆于此牧牛

成化

舊志

麀生昌化於潛山中

夢梁錄

其皮甚細土人製以爲韉良

美

仁和縣志

獐仁和臯亭山錢塘黃梅山西塢山海寧金牛山獸皆

多獐

萬歷舊志

猿 杭州天竺靈隱二寺多猿狝謂之孫團彌長其類昔追

遊集

徐集孫下天竺看猿詩渴泉飲罷過別枝株守山林得便  
宜伸手攫拳野僧果貴游玩弄如兒嬉膏梁恣欲甚邛壑  
苞直贖把寶囊素本然無物拋乞與縱有腥羶醫無藥勸  
汝儔侶只依僧殘齋贖核亦潔澄切勿自照具人面便爾  
忘却當初呼不應 田藝蘅天目玉立亭亭觀後詩霜葉萬  
山紅寒猿嘯曉風共攀危石上環坐小亭中客淚誰能落  
僧餐自許同貧居煩 執藝長憶魏元忠

兔 古城山北爲兔山以多兔仁和縣志

狸 錢塘焦山海寧妙果山於潛金鷲山獸皆多狸高歷舊志

玉面狸 於潛昌化山谷中有之咸淳志

獺 孫和求白獺隨購數百金有富春漁人云此物知人

欲取則逃入石穴伺其祭魚之時有鬪死者穴中應有骨

可得如言得之

拾遺記

豕 肉則封豨膾豕

量元咎七述

南豬行在候潮門外北豬行

在打豬巷

武林舊事

羊 杭食店名件羊有鼎煮羊酒蒸羊綉吹羊五味杏酪

羊千里羊

夢梁錄

紫羊肉細切羊內嚮之裹以羊皮如筒煮

熟片食他處無有

梅寧縣志

大 靈隱造北高峰塔有一犬每隨工徒自山下啣磚石

以至塔所塔成大龕寺僧葬之寺門八面松下

太平廣記錢唐

縣界地名狗羣橋名良犬相傳云昔人被火燎幾斃犬入

水以濡其主得甦後大斃里人塋之

錄 夢梁

猫 都人畜猫有長毛白黃色者稱曰獅猫不能捕鼠徒

爲美觀

咸淳志

林逋猫兒詩鐵鉤時得小溪魚飽卧花陰興  
有餘自是鼠嫌貧不到莫慚尸素在吾廬

松鼠 林逋湖山小隱詩畫巖松鼠靜春塹竹雞深

西湖志

白鼠 大滌洞白鼠長二尺遊于高崖間故公詩云洞中

飛鼠白鴉翻

蘇詩註

彘 浮玉之山有獸焉其狀如虎而牛尾其音如吠犬其

名曰彘

山海經

山獠 富陽有之人面能言或云獨足

國語注

腥膻臍 臨安民往江口見潮退有一異物褐色有毛有足骨軟似不勝持重三四十斤或以爲海狗後有貴人詢其狀曰此腥膻臍也

清波別志

鱗蟲之屬

鱔 鱔魚出富陽江

大清一統志

六和塔江邊生者極鮮腴

江北者味差減

咸淳志

鱔魚一名箭魚腹下細骨如箭簇出

富陽者尤美

雅俗稽言

每五月富春江上鱔魚最盛數人捕之

移時百里達于城市或云此魚自江漢來非富春產也故

富春非夏無此

武林遺事

昔富陽縣與茶並貢縣民苦之僉事

韓邦奇爲之謠因奏罷之

萬歷舊志

向出富陽江今錢塘江口



舉網卽得不止富陽

舊志

韓邦奇富陽諸富陽江之魚富陽山之茶魚肥賣我子茶  
香破我家抹茶婦捕魚夫官府拷掠無完膚昊天何不仁  
此地亦何辜魚何不生別縣茶何不生別都富陽山何日  
摧富陽江何日枯山摧茶亦死江枯魚始無嗚呼山難摧  
江難枯我  
民不可蘇

鯿 若水出浮玉山陰其中多鯿魚郭璞註曰鯿魚狹薄

而長頭大者尺餘一名刀魚

山海經

鱖 賈師憲喜若溪之鱖魚趙與可因造大盤養魚至數

十頭復作機使灌輸不停魚游泳自得如在江湖中數舟

上下遞運不絕

癸辛雜志

鱖 土人于湖泥中鑿坎魚隨潮至仲春捕盈寸者養之

秋而盈尺腹背皆腴爲杭州池魚之最

仁和縣志

鯖 富陽江中有百餘斤者

舊富陽縣志

鯉 邑有鯉無鱣所稱鱣者卽鯉也舊志有蕩鯉有蘆鯉

有黑鯉

海寧縣志

鱣 以草飼之俗曰草魚

餘杭縣志

鱣 詩疏云鱣似魴而大頭徐州謂之鱣今杭州亦以此

名之

仁和縣志

鱣 本生南海今錢塘江漁者時市此魚

舊志

鯽 湖中多雜魚而鱣魚最美肉鬆骨軟不數鱣

西湖游覽

餘亦名鮓池湖江海皆有之然生西湖者烏背紫鱗味尤

鮮美舊志

土附 土鰲俗名吐哺以清明前者為佳萬歷舊志宋賜太子

玉食批司膳內人所製也有土步辣羹青蝦辣羹隨隱雜錄

按此魚產西湖者尤佳或作土步亦作土部又作土鮓

其名不定程大昌云此魚質沉常附土而行不似常魚

浮水遊逝庶為近之

逆魚 一名溪魚四月間產苕溪中長不過寸許懷子滿

腹過時則不見惟餘杭有之餘杭縣志安溪有一二里逆水兩

漲時小魚至無算名逆魚甚肥美烘之可以致遠梵夾集

橫魚 四月從太湖逆水而上大者百餘斤餘杭間有之

舊志

石斑魚 杭州石斑魚生山澗中有斑味極鮮美

嘉靖浙江通志

筍魚 富陽江有筍魚

大清一統志

其形似筍蓋比目之類

俗書作鮐非時出惟富陽五月有之

成化舊志

石首 一名黃魚產于海四五月中杭人載冰出洋販至

省城買之

萬歷舊志

比目 今錢塘江有之

舊志

五色魚 淳熙十六年錢塘傍江居民得五色魚鯽首鯉

身

宋史

吳山井有五色大魚數十時出游泳人不敢取又玉

泉寺方池清澈可鑒蓄五色魚游泳如畫

名勝志

金鯽 臨安六和寺後池有鯽魚金色蘇子美有詩曰沿橋待金鯽竟日獨遲留蓋其出有時也自子美後四十年東坡始遊此寺嘗投餅餌以待其出略出不食復入東坡曰此魚難進易退而不妄食宜其壽四十年如此

韻語  
陽秋

南

屏山與教寺池有鯽十餘尾金色道人齋罷爭倚檻投餅餌爲戲故東坡詩我識南屏金鯽魚重來撫檻散齋餘

夢溪

筆談

金魚 今中都豢魚者能變魚以金色貴游多鑿石爲池置之簷牖間以供玩賞問其術秘不肯言或云以洿渠之小紅蟲飼之凡魚百日皆然初白如銀次漸黃久則金矣

又別有雪質而黑章的鱗若漆曰玳瑁魚文采尤可觀二種惟杭人能餌畜之

程史

金魚有銀色玳瑁色者今錢塘門

外多蓄養之入城貨賣名魚兒活

夢梁錄

盆魚之屬爲金爲

玉爲玳瑁爲水晶爲藍其異品者若梅花點鶴頂紅天地分日月眼之類名色甚衆不能盡識說者謂魚本傳沫而生卽紅白二色雌雄相感而生花斑之魚以溪花郎與白魚相感而生翠色之魚又取鰕與魚感則魚尾酷類于鰕有二尾三尾者此皆近時好事者所爲宏正間蓋無之

萬歷

舊志昌化縣千頃山上有龍潭產金銀魚

花史

金鰕 南渡參養之法有金銀兩種鰕魚金鰕亦時有之

鼠璞

鰻 池湖中有之然不如江生之多每秋風大作其至如

陣味則以池湖中爲佳萬歷舊志善市者取之于江蓄之于湖

則脊黑而肥美錢塘縣志南新縣新婦洞有鰻魚一頭甚異太平

寰宇

記

金色蛇 千頃山盤蛇石中有金色小蛇人呼聖蛇萬歷昌化

縣志

白花蛇 此蛇本出蘄州今臨安於潛山中亦出脊有白

花方勝頭有一小角云亦能治病也成化舊志

海蛤 杭州土產海蛤太平寰宇記

蝓蚌 產鹽官

咸淳志

陶穀奉使吳越忠懿王宴之因食蝓

蚌詢其族類忠懿命自蝓蚌至蚶蚶凡十餘以進穀曰真

所謂一蟹不如一蟹也

聖宋拾遺

蟹 錢氏置魚戶蟹戶專掌捕魚蟹

蟹譜

湖蟹出西湖湖蟹

出江中

蟹畧

西湖舊多葑田產蟹土人呼湖蟹和靖詩云草

泥行郭索又云水痕秋落蟹螯肥今湖蟹絕難得

咸淳志

杭

人最重蟹秋時風致惟此爲佳而沈文通云杭人嗜蝦蟆

而鄙食蟹此又何說

西湖游覽志餘

金錢蟹 出三都東塢橋如錢大日色照耀隱隱有金點

而味極鮮美不下淮產

昌化縣志



螾蚶 仁和海寧爲多萬歷舊志浙之海寧人喜食螾蚶螿螿名

曰鸚哥嘴以有極紅者似之也穀耕錄錢塘江邊有小蟹潛

于沙穴中謂螾蚶寒素人家多醃食之又海邊出一種比

彭月差大食之令人瀉痢又一種足生毛者名曰毛蚶尤

不可食武林紀事

鰕 湖中生者殼青江產者色白鰕大者名青斑鰕夢梁錄

海鰕白色邑人製之獨善名酒發鰕與菊花燈元宵鼓稱

爲三絕康熙海寧縣志

鼈 宋咸淳壬申七月有梢人泊舟西湖斷橋下見三人

集于沙際一日張公至奈何次日漁者張公于橋下獲一

鼈徑二尺餘

淵鑿類函

故都呈水嬉者以漆大斛貯水凡龜鱉

之屬皆以名呼之卽浮水面戴戲具而舞舞罷卽沉

癸辛雜志

蜆蛤

並以仁和海寧爲最

萬歷舊志

蝗

產鹽官者大

咸淳志

螺

西溪安樂山池中有無尾螺傳爲濟顛手放故物也

西湖志

徑山下澗沼中螺俱無尾

徑山志

海螵

寒食後至立夏以爲應時之味

舊志

香螵

生普照山中形類海螵味微苦而香介有旋文別

于烏螵人以院塔識溪產上下二十丈過此則非其類矣

嘉靖昌

化縣志

土蛛

出海寧

萬歷舊志

蠶 或疑左思八蠶之說今吾鄉亦有頭蠶二蠶三蠶又

有曰柘蠶食柘葉者有曰紅蠶二十七日而熟者成化原舊志

蠶近鮮禁者鄉人多飼之然爲絲綿不佳萬歷舊志邑婦女尤

善御蠶遇蠶月鄰里水火不相借諺云閉蠶門至蠶熟繭

成始相慰問故白珽餘杭四月詩云幾家蠶事動寂寞晝

門關

嘉靖餘杭縣志

蝙蝠 蝙蝠洞內產蝙蝠大者如鴉亦有純白者西湖游覽志餘

石龍子 龍山多石龍子慈雲石屋韜光皆有之並黑背

朱腹獨方山穴九龍似蜥蜴而五爪背黃碧色姚姓人捕

得其二密緘瓮中封以紫泥歸啟之化去矣

萬歷錢塘縣志

蛙 沈文通守杭禁民食蛙終三年人不敢食而池沼之

蛙亦絕不生及文通代去禁弛蛙生如故

東齋筆記

蜂 蜂類不一黃者作蜜

嘉靖除杭縣志

人家養蜂每置一木桶

以蜜塗桶內蜂聞蜜嗅便舉羣悉至

仁和縣志

蝶 林逋小園春日詩草長團粉蝶林暖墜青蟲又咏蝶

詩細眉雙聳敵秋毫冉冉芳園日幾遭

和靖集

蟋蟀 賈似道坐葛嶺賜第日與羣妾據地鬪蟋蟀

宋史本傳

舊日惟小兒以土籠畜之而嬉近雖士人亦有鬪之以射

厚利者

萬歷舊志

沈周葛嶺詩閒堂寶閣畫圖中天乞湖山養  
相公正是襄樊多事日却將征戰試秋蟲

蠹 徑山夏無蚊

東坡詩集自注

余有樓在臨安軍將橋面臨官

河穢積特甚自暑徂秋每夕露眠絕無一蠹過此數百步

則不然矣此亦物理之不可曉者

齊東野語

雜詮

淘沙船 橈形如船而短小兩頭微起如今杭州淘沙者

所用

史記正義

車船 西湖船製不一有以色名者以形名者以姓名者

最大者買秋壑所造車船也車船棚上無人撐駕但用車

輪脚踏而行其速如飛

曝書亭集

釣車 項自桐江得一釣車以襲美樂烟波之思因出以

爲玩天隨子集

陸龜蒙襲美辱釣車詩曾招漁侶下清潭  
獨爾初隨一艇深細軟烟華無轍跡靜含風力有車音相呼野飯依荒草  
迭扣山歌逗遠林得失任渠但取樂不曾生箇是非心

雨具 用貨之屬爲傘爲屐爲棕裙爲雨衣萬歷舊志

燈籠 杭州用貨有燈籠舊志

陸游燈籠詩我年十六游名場靈芝借榻柄僧麻鐘聲繞  
定履聲集弟子堂上分兩箱燈籠一樣薄蠟紙瑩如雲母  
合清光還家欲學故未暇歲月已似奔車忙書生白首故  
習在顛倒簡牘紛未黃短檠雖復作老伴目力眩晃不可  
常平生所好忽入手摩挲把挈喜欲狂爾膏滋澆支蓬且  
秋雨蕭瑟輪新涼討論廢志正蓬乙遂欲盡發萬卷細所  
嗟衰病終難免非復當年下五行

羽拂 白石浦馬家井人工爲羽拂選雞羽別其長短赤

白貫以純苧收以文竹而以漆固其本綴五色線銅絲爲

美觀大者並琴挂壁小者借筆插筒洒掃後拂几清塵較

麈尾價廉而用適

艮山雜志

刷牙 杭城市肆有凌家刷牙鋪有傅官人刷牙鋪

夢梁錄

按法苑珠林云佛法漱口聽嚼楊枝用刮舌不得過三

反時有刮舌而未有刷牙刷牙見于夢梁錄今爲杭城

專產

法叨器 用貨有法叨器皿一稱法藍

萬歷舊志

藥玉火珠 藥化之玉火化之珠琉璃之盃水精之盃沙

河雨晴月照燈明席張案設左右煌燐遠而望之奪人目

精迷七

助妝花 賣花者以馬頭竹籃盛之歌叫于市

夢梁錄

花販

持盤春月貯蘭瑞香夏初玫瑰盛夏蕙茉莉醒髮草秋黃

赤桂花冬蠟梅皆高唱其聲以助閨檐之晨妝者

虎林雜記

荷葉 聞臯亭蕩戶云晒荷葉遇雨所著處皆成黑點藏

荷葉須密室見風則蛙損不堪用

癸辛雜志

筍籜 廣竹所脫者爲花筍籜苦竹所脫者爲苦筍籜箭

竹所脫者爲青籜皆有利于物用

餘杭縣志

圪泊紙 今女工做鞋子者用紙背硬襯裡剪樣謂之圪



勝武林舊事有賣坵泊紙者當此二字

暖殊  
由筆

草紙

富陽產草紙

富陽  
縣志

發燭

杭人削松木爲小片其薄如紙鎔硫黃塗頂分許

名曰發燭又曰焯兒蓋以發火及代燈燭用也

較耕  
錄

炭塹

杭人數九諺九九八十一家家打炭塹

豹隱  
紀談

蟲烟

土人以艾烟裹紙熏蟲輒避

萬歷  
舊志

天香丸 近日杭人採桂花造天香丸可以緘送遠方吟

邊酒所咀嚼一粒則香流齒頰之間清妙不可言狀

西湖  
遊覽

志  
餘

油麩

杭僧碧輝集蔬果爲油麩甚美以其多物而成于

僧手名曰百衲羹

歌卷集

把鮓 臨安東華門把鮓爲天下第一他處效之終莫及

袖中錦

糖色 武林有諸般糖作坊市食有十般糖花花糖韻薑

糖烏梅糖玉柱糖糖絲糖脆梅乳糖獅子橘紅膏薄荷蜜

諸色糖蜜煎

武林舊事

塘栖姚燦然糖色馳名四方

塘栖志畧

卓九如塘栖詞姚家餛飩自巧還鬆香霧霏霏撲面濃糖拌日烘排片比最先嘗得是游蜂

杭州府志卷五十四終